

समे – 12:25

<><><><><><>

1st Phase Campaigning

जम्मू कश्मीर च पैहले गेड़ दे असैंबली चुनां लेई प्रचार अज्ज मुक्की जाग। प्रदेश दे 7एं जिले दिएं 24 असैंबली सीटें लेई इस म्हीने दी 18 तरीक गी वोट पोआए जांगन। इंदे च षोणा, किश्तवाड़, रामबन, अनंतनाग, पुलवामा, कुलगाम ते शोपिया जिले शामिल न। जम्मू संभाग दे त्रउं जिलें च अज्ज संझां चुनांs प्रचार मुक्कने कोला पैहले बकख-बकख पार्टिएं दे नेता, मतदाताएं गी अपने पक्ख च करने लेई पूरा जोर लाs करदे न। जंदे शनिवारें षोणा च प्रधानमंत्री नरेन्द्र मोदी हुंदी रैली मगरा बीजेपी दे प्रचार अभियान गी षोणा खिते च मता बल थहोआ ऐ। बीजेपी दे वरिश्ठ नेता ते केन्द्री गृहमंत्री अमित शाह होर अज्ज रामबन, किश्तवाड़ ते पाड़ूर-नागसेनी च त्रै रैलियां करगंन। लोकसभा च विपक्ष दे नेता राहुल गांधी होरें बनिहाल असैंम्बली हलके दे गूल च इक रैली कीती। उंदे अलावा कांग्रेस दे कुसै बी वरिश्ठ नेता नै उत्थुं दा दौरा नेई कीता ऐ। नेशनल कांफ्रेंस दे उमर अब्दुल्ला होरें षोणा च रैली कीती जिसलै कि षाक्टर फारूक अब्दुल्ला होरें इनें विधानसभा हलकें दा दौरा बी नेई लाया। पीपीपी दिएं प्रमुख महबूबा मुफ्ती होरें बी षोणा च अपने मेदवार खड़े करने दे बावजूद उत्थे आपूं जाइयै चुनां प्रचार नेई कीता। इनें सीटें लेई चुनां प्रचार अज्ज संजा मुक्कारदा ऐ ते औंदी 18 सितम्बर गी इत्थें मतदान होग। प्रदेश दिएं सब्बनें 90 असैंम्बली सीटें लेई वोटें दी गिनतरी 8 अक्टूबर गी होग। षोणा खिते दिएं कुल 8 विधानसभा सीटें लेई 64 मेदवार चुनांs मैदान च खड़ोते दे न। इंदे चा षोणा जिले च 27, किश्तवाड़ च 22 ते रामबन जिले च कुल 15 मेदवार चुनांs मैदान च न।

<><><><><><>

3rd Phase Nominations

जम्मू कश्मीर च त्रीये ते अखीरले गेड़ दे विधानसभा चुनाएं लेई नांs वापस लेई दा अज्ज खीरी ध्याड़ा ऐ। जंदे शुक्रवारें होई दी नामांकन पत्रें दी जांच दरान 37 मेदवारें दे नामांकन खारिज करी दिते गे हे। इस गेड़ तैहत प्रदेश दे 7एं जिलें दिएं कुल 40 विधानसभा सीटें लेई पैहली अक्टूबर गी वोट पोआए जाने न। नामांकन पत्रें दी जांच दरान 4 सौ नुंजा मेदवारें दे कागद-पत्र दुरूस्त पाए गे। जम्मू जिले च 113 मेदवार, बारामूला च 107, कुपवाड़ा च 75, बांणीपोरा च 46, कठुआ च 38, उधमपुर च बी 38 ते सांबा जिले च 32 मेदवार चुनां मैदान च न। चुनां विभाग आसेआ जारी अधिसूचना मुजब इस गेड़ दे चुनां लेई मेदवार अज्ज यानि 16 सितम्बर तगर जेगर चाहन तां अपना नांs वापस लेई सकदे न।

<><><><><><><>

Amit Shah-Doda Rallies

बीजेपी दे सीनियर नेता ते गृह मंत्री अमित शाह होर जम्मू-कश्मीर च पैहले गेड़ दे असैम्बली चुनाएं लेई प्रचार दे अज्ज खीरले ध्याड़े पोआ खिते च त्रै रैलियां करडन। आकाशवाणी दे जम्मू संवाददाता मुजब, शाह होर रामबन, किशतवाड़ ते पाड़ूर च अज्ज इक-इक रैली अग्गे भाषण देडन। एहदे शा पैहले शाह होरें जम्मू दे पलौड़ा च जंदी 6 सितम्बर गी इक रैली कीती ही। ओहदे परैन्त रक्षा मंत्री राजनाथ सिंह होरें 8 सितम्बर गी रामबन ते बनिहाल च रैलियां कीतीआं। बीजेपी दे प्रवक्ता अरूण कुमार गुप्ता हुंदे मुजब, पार्टी गी मेद ऐ जे जम्मू-कश्मीर दे लोक मोदी सरकार दे 5 अगस्त 2019 आहले फैसले दा समर्थन करदे होई उंदे हक्कै च मतदान करडन। गृह मंत्री हुंदे अज्जै दे दौरें लेई प्रशासन नै लोड़चदे सब्बै बंदोबस्त कीते दे न। बीजेपी दे राश्ट्री प्रधान ते केन्द्री सेहत मंत्री जे.पी. नड्डा होर 20 सितम्बर गी जम्मू च इक रैली करडन। एहदे परैन्त प्रधानमंत्री मोदी हुंदा इक बारी फही जम्मू-कश्मीर दा दौरें लाने दा कार्यक्रम ऐ।

<><><><><><><>

Congress Jammu

साबका केन्द्री मंत्री ते कांग्रेस पार्टी दे महासचिव भरत सिंह सोलंकी होरें दावा बन्नेआ ऐ जे कांग्रेस ते नेशनल कांफ्रेंस दा गठबंधन गै प्रदेश च अगली सरकार बनाग। उनें आखेआ जे प्रधानमंत्री नरेन्द्र मोदी हुंदे कोल हुन जम्मू कश्मीर दे लोकें लेई किश बी नमां नेई ऐ। सोलंकी होरें आखेआ जे ०००० दे अपने दोरे दरान प्रधानमंत्री होरें गवांणी जिले किश्तवाड़ च टाक्करे च शहीद होए दे दऊं जोआनें दे परोआरें प्रति हमदर्दी दा इक लफज नेई आखेआ। सोलंकी होरें इब्बी आखेआ जे जम्मू खिते च आतंकवादी गतिविधिं च बाद्धे दा बी प्रधानमंत्री हुंदे कोल कोई जोआब नेई ऐ हा।

<><><><><><>

NC Omar

नेशनल कांफ्रेंस दे उप-प्रधान ओमर अब्दुल्ला होरें बीजेपी पर दोश लाया जे ओह ओंदे विधानसभा चुनाएं च नमें मेदवारें दा समर्थन करियै उंदी पार्टी गी कमजोर करने दी कोशश करै करदी ऐ। दक्खनी कश्मीर दे पुलवामा जिले च इक रैली गी संबोधत करदे होई उनें आखेआ जे दफा 370 ते 35ए गी 2019 च हटाने मगरा बीजेपी नै नमें चेहरें गी आनने ते उनेंगी बढ़ावा देने दिआं केई सियासी आजमाईशां कीतीआं पर ओह इंदे च नाकाम रेई। उमर होरें दोष लाया जे बीजेपी, नेशनल कांफ्रेंस गी कमजोर करने दी कोशश करा'रदी ऐ पर ओह नाकाम होई जाहग कीजे लोक उंदी पार्टी कन्ने खड़ोते दे न।

<><><><><><>

Milad Un Nabi

पैग़मबर मोहम्मद हुंदा जरम ध्याड़ा ईद-ए-मिलाद-उन-नबी अज्ज मुख दे केई हिस्सें च पूरी धार्मिक श्रद्धा ते जोशो-खरोश कन्ने मनाया जा'रदा ऐ। इस मौके पर विशेष “मिलाद महफलां” ते “सीरत सम्मेलन” लोआए जा'रदे न, जित्थे पैग़मबर मोहम्मद हुंदे जीवन ते सिक्खयाएं पर लोs पाई जंदी ऐ। इस मौके खास मीलाद जलूस बी कड़ो जा'रदे न। राष्ट्रपति द्रौपदी मुर्मू होरें ईद मिलाद उन नबी दे मौके पर देशवासिं, टकोहदा करियै मुस्लिम समुदाs दे लोकें गी

ममारकबाद ते शुभकामनां दित्तियां न। अपने सनेए च राष्ट्रपति होरें आखेआ जे पैगमबर मोहम्मद होरें सब्बनें गी आपूंचै प्रेम, सद्भाव, भाईचारे ते समाजी बरोबरी लेई प्रेरत कीता। प्रधानमंत्री नरेन्द्र मोदी होरें बी ईद दे मौके पर लोकें गी ममारखां दित्तिआं न। सोशल मीडिया दी इक पोस्ट च श्री मोदी होरें मेद जाह कीती ऐ जे एह ध्यार सब्बनें लेई सद्भाव ते खुशिएं दा पैगाम लेइयै औग। लेफ्टिनेंट गवर्नर मनोज सिन्हा होरें बी लोकें गी ईद दी मुबारकबाद दित्ती ऐ। उनें आखेआ ऐ जे पैगमबर मोहम्मद हुंदे जरम ध्याड़े दे मौके पर ओह सब्बनें गी शुभकामनां दिंदे न।

<><><><><><>